

سنه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در


تذکره محاکمه علییه

آبونه اولق ایستینلرد اثره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر



تذکره محاکمه علییه

ظل ظلیل رب المنان خلیفه نبی ذیشان ولی نعمت یمینتمز پادشاه عدالت عنوان افندمر حضرتلرینک مبدأ سعادت ملک و دولت اولان روز جلوس هایون فیوضات مقرون جناب خلافتینا هیلرندنبرو اقدم آمال معدلت اشتمال شاهانه لری صنوف تبعه وزیردستان ملوکانه لرینک من کل الوجوه تأمین اسباب حضور و سلامتی و محفوظیت حقوق و سعادتق امور مهمه و معتنا بهاسنه معطوف و مصروف اوله رق بو یولده پیدرپی ساحه پیرای وجود و حصول اولان مآثر جلیله اصلاحات و مؤسسات منورساز عیون تشکرات و تحمیدات اولمقده در.

جمله مبجله آثار معدلتشار جهانبا نیلرندن اوله رق امور عدلیه جه دخی اجرا بیوریلان غیرقابل تعداد و تذکار اصلاحات و تعدیلات مهمه به برلاحقه مفیده اولق واحکام و معاملات عدلیه نک جولانکاه انتشاری بولمق اوزره کچن سنه تنسیقا طبع و نشرینه اراده اصابتعاده حضرت خلافتینا هیلری شایان بیورلمش اولان «جریده محاکم عدلیه» دخی باعث فوز وفلاح عثمانیان اولان بویوم سعد اقترانک شرفلوندن طولای جبین سای زمین عبودیت اوله رق من غیرحد عرض و ایفای تبریک و تهنیه مسارعت ایلر.

همان جناب کبریا مؤید دین و دولت مهر عالمتاب عدل و مرحمت پادشاهمز افندمر حضرتلرینی بالعا فیت والاجلال آرایش اورنک خلافت عظمی و نیجه نیجه دوره روز جلوس مسعدت مانوس جناب ملکدار اعظمیلرینی ادراکه موفقیتله نائل سرور بی انتها بیورسون آمین (بحرمة نبی الامین)

تَبْلِغَات

بولتیقه وسوء قصد وعفشکنک مادہ لرندن ماعدا جرائم عادیہ الیہ محکوم اولان مجرمیندن درسعدت حبسخانه عمومیسندہ محبوس اولوب ثلثان مدت جزائیہ لرینی اکیل ایدن ذکور واث یوز اوج کسینک جلوس هایون میامن مقرون حضرت خلافتبهایه شرفصادف یوم مسعوده جرمه اخلائی سیدلری وطشره حبسخانه لرندہ محکوماً محبوس بولتان بوشالو مجرمینک دخی عفو عالی جناب پادشاهیدن استفاده اتمک اوزره کیفیتک هرطرفه تلغرافه تبشیری ومدیونا درسعدت توقیفخانه سندہ موقوف اوللرک مقدار دینلری طرف باهرالشرف حضرت تاجدار اعظمیدن احسان بیوردیغندن بوللرک دخی تخلیسی خصوصه اراده مراحم معاده جناب جهانبائی شرفتملق بیورلش وبرمنطوق امر وفرمان هایون اقتضاسنک همان ایفای ضمنندہ عدلیه نظارت جلیله سندن ضبطیه نظارت جلیله سیله درسعدت استیناف مدعی عمومیلکنه تذکره تسطیر وطشره محاکم استینافیه می مدعی عمومیلکنه کیفیت تلغراف الیه تبلیغ وتبشیر ایدلش ودرسعدت حبسخانه وتوقیفخانه لرندہ محبوس اولوب مظهر عفو عالی اولان مجرمین الیه مدیونا موقوف بولتان اشخاصک حضوری معاد اولان ذوات مواجهه سندہ یوم مسرتده سیدلری تخلیه اولنه رق عمومی طرفندن دعای تمادی عمر واجلال ولی نعمت بینت اعظمی تذکار وتکرار قلندی کی صدقه عافیت جهاتقیمت حضرت خلافتبهای اولق اوزره احسان بیوریلان عطیه سنیه نک درحال دینلره توزیعنه ابتدار ایدلسی حقدنہ دخی دائره عدلیه ده متشکل قومیسون مخصوصه تبلیغات مقتضیه ایفا اولمشدر.

خزینہ جلیله نک استحصال مطلوبی ضمنندہ مزایده ویریلان اموال غیر منقولہ نک اول امرده دفترخاقانی اداره لرندن مزادقائم لرینه قیدی صورتلری چیقارلدقن صکره مزایده ویرلسی وبومقوله حکماً صائبان اموال غیر منقولہ نک یوقلمه وانتقال خرجلرندن اولان ذمتلرینک مزایده بدلندن تفریق وطابو صندوقلرینه تسلیم ایدلسی خصوصک اصول اتحادی لزومی سیواس ولایتی دفترخاقانی مفتشکنندن اشعارقلمش واستیفای مطلوبات ایچون مزایده ویریلوب طالب بولنامسندن طولانی خزینہ جلیله نامنه تفرغ اولنه جق املاکدن هنوز اصحابنه انتقالی اجرا ایدلامش اولانلرندن اخذی لازم کلان خرجلرک تفریق واعطاسیله اوست طرفک دینه مقابیل ایراد

قیدی مقدما مالیه نظارت جلیله سیله بالخبرہ قرار لشدریلهرق تعمیماً تبلیغ ایدلش اولدینی کی بالمزایده صائبه جق غیر منقولاتک دفتر خاقانی اداره لرندن قید صورتلری چیقارلدقن صکره مزایده ویرلسی دخی ذاتاً اصول متخذہ جاریه دن بولنش اولدیغندن بختله بویابده مأمورین عائدہ سنہ اجرای وصایا اولمشنه دائر دفتر خاقانی نظارت جلیله سندن وقوعبولان اشعاراوزرینہ، دین میری ایچون خزینہ نامنه تفرغ اولنه جق املاک واراخینک فراغ خرجلرینک باعلم وخبر ایراد ومصرف وجهله تسویه می مقرر اولدینی کی هنوز اصحابنه انتقالی اجرا ایدلامش اوللرک انتقال خرجلرینک بالتفریق بدل فراغدن محسوبیه اوست طرفک دینه مقابیل ایراد قیدی امور ضروریه دن کورنش وصائبه جق اموال غیر منقولہ نک قید صورتلرینک مزاد قائم لرینه درجی امر مزایده نک وثوق وامینیتی تأمین ایدہ جسک احوالین اولمشیه بونک اصول اتخاذی دخی سلامت معاملہ جهتیله موافق مصلحت بولنش اولدینی انجمن عدلیه دن افاده واکا کوره ایفای مقتضاسی لزومی نظارت جلیله عدلیه دن ایجاب ایدلره تبلیغ قلمشدر.

تمیز دعوی خصوصندہ تمیز استدعایامه سنہ ربطی شرائط قانونیه جله سندن اولان کفالت سندینک حاوی اولدینی مصارف محاکمه ضرر وزیایک تمیز دعواسندہ حق تبیین ایدن طرفک بدایت واستیناف محکمہ لرندہ وقوعبولان مصارف ضرر وزیایندہ شمولی اولوب اولمادینی استفساریه دائر حب ولایتی استیناف محکمہ می مدعی عمومیلکندن وقوعبولان اشعار اوزرینہ، مستدعی تمیزک دعواسندہ حقسزلنی تحقق ایدرایسه خصمنک مصارف محاکمه ضرر وزیایانی تضمینہ کفالتی مشعر وموقع رسمیدن مصدق اولق اوزره تمیز استدعایامه سنہ ربطی مشروط اولان کفالت سندنی محتویاتی حقدنہ وجہ مذکور اوزره اولان تعریف قانونی دخی دلالت ایدہ جسکی وجهله تمیزه وقوعبولان کفالتک حکمی اثبوتی تمیزاً وقوعبوله جق مصارف محاکمه ضرر وزیایه مقصور اوله جفته بناء مذکور کفالت سندینک مصارف ابتدائی واستینافیه غیرشامل ایدوکی انجمن عدلیه دن افاده قلمشدر.

محاکمات قضائیه

ساخته کی ادعا اولنان برسنده مستند الہجق دعواسنک محاکم حقوقیه جه کسب

قطعیات ایتش برحکمہ مربوط بولنسی اولبابده جهت جزائیہ جه تحقیقات اجراسنہ مانع اوله میه جتی حقدنہ محکمہ تمیز استدعا دائره سندن اعطا قلنان ۳۰ حزیران سنہ ۳۱۷ تاریخی اعلامدر :

مناسرت ولایتی مرکز بدایت محکمہ می جزا دائرسندن ویریلوب ۷ حزیران سنہ ۳۱۶ تاریخنده تفهیم ایدیلان مرور زمان قرارینی حاوی اعلامک تمیزینی مستدعی ولایت مذکورہ استیناف محکمہ می مدعی عمومیلکی الیه استقو اطناش چیقو طرفلرندن اعطا قلنان ۱۲ و ۱۳ حزیران سنہ ۳۱۶ تاریخی ایک قطعہ استدعایامه مع اوراق متفرعه باش مدعی عمومیلک مأموریت بهیسنک ۱۷ تشرین اول سنہ ۳۱۶ تاریخی تبلیغایامه می الیه برلشدریلهرک محکمہ تمیز استدعا دائره سنہ تدويع اولغله لدی التذقیق ذکر اولنان استدعایامه لرک مدت وشروط قانونیه سنہ موافق اولدینی اکلا شلدیغندن اوراق مرقومه دائره جه قرائت ومطالعہ اولندی.

اعلام مذکورک مالی مرقوم استقو اطناش چیقونک امضاسی اوزرینہ ساخته کفالت شرحی یازمسندن طولانی مظنون علیہ اولان یونس اغا ابن علی حقدنہ اجرا ایدیلان محاکمه ابتدایده برسنہ مدته حبسنہ دائر لاحق اولان حکمک عندالاستیناف فسخیله دعوی واقعه ده مرور زمان اولغله اطناش چیقونک بویابده کی ادعاسنک ردینہ دائر غیباً لاحق اولان حکم علیہ مدعی شخصی مرقوم طرفندن اعتراض علی الحکم استدعاسی ویرلسی اوزرینہ اجرا ایدیلان محاکمه وجاهیه نتیجه سندہ ساخته کی ادعا اولنان سندہ مستند مدعی مرقوم استقو اطناش چیقونک مرقوم یونس اغایه مدیون اولدینی مبالغ بدایت حقوق محکمہ سندہ حکم وقرار آلتنه النمش وحکم واقع عند التیز تصدیق ایدیلهرک قطعیات حالی کسب ایتش اولمشنه نظراً حقوق شخصی جهتی زائل اولوب بالکر حقوق عمومیه دعواسی موجود بولنش اولدیغندن بویابده مدعی شخصبارک حقوق شخصیہ نقطه سندن اعتراضه حقاری درکار ایدہ ده حق شخصیلری کسب قطعیات ایدن اعلامات حقوقیه الیه ساقط اولان بوماده ده اعلامات غیبایہ جزائیہ علیہ اعتراض علی الحکم استدعاسندہ بولملری موافق قانون اولدیغندن ادعای واقعه ردینہ قرار ویرلیدنکدن ومذکور استدعایامه لرہ مربوط ایک قطعہ لایحه ده مندرج اعتراضاتک خلاصه می دخی بوشالو ساخته اوراق

ومعاملاتندہ مرور زمان ایچون تاریخ استعمللری مبدأ اتخاذ ایدلک لازم کلوب بو تقدیرجه تاریخ مذکور دن اعتباراً ساخته کارلق ماده می ایچون محکمہ جزائییه مراجعت ودعوی تاریخنہ قدر مرور زمان مدتی هنوز منقضیه اولماش اولدینی حالده بوجه محرر اعطای قرار اولنسی مخالف اصول وقانون اولدیغندن وسائرندن بختله مذکور اعلامک قضی طلبندن وتبلیغایامه نک مفادی دخی اعتراضات مذکورہ بجا کورنش اولدیغندن مذکور اعلامک قضی لازم کله جسکی بیانندن عبارتدر.

ایجابی لدی المذاکره مظنون مرقوم یونس اغانک مزبور استقو چیقو علیہندہ اقامه ایدلکی الہجق دعواسنک بدایت حقوق محکمہ سنجه حکم آلتنه آلتنه رق بو حکمک تمیزاً دخی بالتصدیق کسب قطعیات ایتش اولدیغندن بختله مذکور الہجق دعواسنک مستند اولدینی سند حقدنہ دریمان ایدیلان ساخته ک ادعاسنک حقوق شخصیہ جهتی زائل اولان برمشله ده مدعی شخصی طرفندن تقبیلہ صلاحیت اولدیغندن مرقوم استقو چیقونک اعتراض علی الحکم عرضحالی عند الاستیناف رد اولنش ایدہ ده مذکور سندک ساخته کی محاکم جزائییه جه ثابت اولدینی حالده مرقوم استقو چیقونک اعاده محاکمه طریقہ حقوق محکمہ سنہ مراجعت ایدرک محکومیت واقعه می حقدنہ کی حکمک تبدیل واصلاحی طلبه صلاحیت قانونیه می موجود اولمشنه نظراً کیفیتک محاکم حقوقیه جه کسب قطعیات ایتش برحکمہ مربوط بولنسی جهت جزائییه جه دوام تحقیقاته مانع قانونی تشکیل ایدہ میه جسکی وبناء علیہ مرور زمان مسئله سنہ دائر استینافاً وغیباً ویریلان اعلام علیہندہ مزبور استقو چیقو جانبندن معطی اعتراض علی الحکم عرضحالی اجرای تدقیقاتیه قبولی ویاخود اسباب سائردهن ناشی ردی یولندہ قرار اعطاسی مقتضیات قانونیه دن بولدینی حالده محکمہ جه بورلری نظردقه التمسزین حقوق شخصیہ جهتنک مرجعنه حکم قطعی به ربط ایدلش اولدینی بیانیله اعتراض عرضحالیک بوسیدن طولانی رد اولنسی مخالف اصول وقانون اولدیغندن اصول محاکمات جزائییه قانوننک اوچیوز اون دردنجی واوچیوز اون قوتوزنجی ماده لری احکمانه توفیقاً اعلام مذکورک ایلروده حقسنر چیقو طرفه رجوع ایتک اوزره مستدعی مرقوم استقو چیقونک اخذ واستیفاسنه ۳۰ حزیران سنہ ۳۱۷ تاریخنده متفقاً قرار ویرلیدی.

وکیل مسخر جانبندن انکار مدعا اولنسی اوزرینہ مدعی به اثبات مدعا ایتدیرلک واثباتدن اظهارنجز ایلدیکی تقدیرده مدعی علیہک یمینہ تعلیقاً حکم ایدلک لازم کلو رایکین اثباتک دخی اعتراض وقوعنه تعلیق ایدلسی نقض حکمی مستلزم بولندیغنه دائر محکمہ تمیز حقوق دائره سندن ۲۸ حزیران سنہ ۳۱۷ تاریخنده تنظیم واعطا قلنان اعلامدر :

قولوبیه قضاسنک طاجزیر قریه سندہ مقیم شعبان اغا الیه قضاء مذکورک هرسقه قصبه سندہ ساکن اسماعیل بک یمینده متجدد دعوایه دائر قولوبیه بدایت محکمہ سندن ۱۸ تموز سنہ ۳۱۶ تاریخی وطقوز عددی الیه ویریلان اعلام مرقوم شعبان اغا طرفندن تمیز ایدلکه اعلام مذکور بالکر مستدعینک اعتراض لایحه سیله بالمطالعہ تدقیقات تمیزیه اجراسنہ ابتدار اولندی.

اعلام مذکورک خلاصه مالی، مومی الیه اسماعیل بک مرقوم شعبان اغا ذمتندہ اوچیوز اون دردت سنہ نک اشقاله ووصفه یابلاغدنکی اوتلاقیه وحسابات سائرہ سندن طولانی مطولانی اولان بیک دردت یوز اوتوز ایک ییق غروشک مع فائض تحصیاتی طلب ودعوی ایتسی ودعوت واقعه می مدعی علیہک اجابت ایتامسی اوزرینہ وکیل مسخر تعیینیه عن الغیاب جریان ایدن محاکمه و تدریقات نتیجه سندہ وکیل مسخرک مبلغ مدعایی انکار ایتسنہ مبنی عندالاعتراض معامله قانونیه ایفاسنه تعلیقاً مبلغ مذکورک لازم کلان فاضیلہ معاً تحصیلنه غیباً حکمدن ومستدعی تمیزک اشو حکم علیہندہ لایحه سندہ محرر باشلوجه اعتراضی، محاکمه غیبایه اثناسندہ وکیل مسخرک انکار مدعا الیسی اوزرینہ اصولاً مدعیدن اسباب ثبوتیه آرائلق لازم کلو رایکین محکمہ مذکورک اولبابده کی تدقیقاتی اعتراض وقوعنه تعلیق ایدرک مبلغ مدعایک بر موجب ادعا تحصیلنه حکم الیسی مغایر قانون اولدیغندن بختله اعلامک قضی استدعاسندن عبارتدر.

ایجابی مذاکره اولدندقه اعلام مذکور مطالعه سندن منضم اولدینی اوزره عندالحاکمه وکیل مسخر جانبندن انکار مدعا اولنسی اوزرینہ مدعی به اثبات مدعا ایتدیرلک واثباتدن اظهارنجز ایلدیکی تقدیرده مدعی علیہ مرقومک یمینہ تعلیقاً حکم ایدلک لازم کلو رایکین اثباتک دخی اعتراض وقوعنه تعلیق ایدلسی

یولسز ومغایر قانون بولنش ومستدعینک اعتراضی دخی بوجهته متدائر اولهرق شایان قبول کورنش اولدیغندن اصول محاکمه حقوقیه قانوننک ایک یوز اوتوز ایکنجی ماده می موجبنه اعلام مذکورک نقضیه قانون مزبورک ایک یوز فرق دردنجی ماده می حکمنه توفیقاً کیفیتک صورت مشروحه دائره سندہ بالرؤیه اعلامه ربطی ضمنندہ محکمہ مذکور به اعاده سنہ وزیرده مفرداتی مرقم دردت یوز الی ییق غروش مصارف تمیزیه نک ایلروده حقسنر چیقو طرفه رجوع ایتک اوزره اول امرده مستدعی تمیز شعبان اغادن آلتسنہ ۲۸ حزیران سنہ ۳۱۷ تاریخنده متفقاً قرار ویرلیدی.

الاعانات

نجات بربره محکومندہ :

جقماقیلر قوشنده مانیتفاطوره تجارتندن کرکور میناسیان ومیغردیچ چیفتجیان شرکت مفلسه می ذمتده الایجفی اثبات ویا موقتاً قبول وقید ایتدیرمش اولان الایجقیلرک قانوننامه تجارتک ایکیوزاون برنجی وائی ولی ایدن ماده می موجبنه مفلس مرقوم طرفندن تکلیف اولنه جق قوتورداتونک مذاکره سیچون اشو شهر اغستوسک یکرمی ایکنجی بخشیه کونی ساعت پدی راده لرندہ محکمہ تجارت بحریه نک افلاس اوپه سنہ کلبری اعلان اولتور.

ایکنجی نجات محکومندہ :

غلطده قره مصطفی پاشا جاده سندہ ۹ نومرولی دکانده مقیم اجزا تاجری استاوری قوجامو وپولونک ۱۴ اغستوس سنہ ۳۱۸ تاریخندن اعتباراً اعلان افلاسنه ومصالح افلاسیه نک رؤیت وتسویه می ضمنندہ اعضای محکمہ دن سعادتلو رضا بک ژور قومیسر ودعوی وکیللرندن والیاس سمیوناکی وبانده لاک قوزمیدی اقدیلرک موقت سندیک تعیینلرینه ومغازم سندہ موجود اموال تجارتیه سیله اشای زائده بیتیه سنک تمهیریه واوراق ودفاترینک جلیله وکفالت مصدقه اراہ ایدہ مدیکر حالده حبس وتوقیفه وبویابده کی قرارک موقه اجراسنه ایکنجی تجارت محکمہ سندن قرار ویرلش اولدیغندن قانوننامه تجارتک ۱۷۰ نجی ماده می موجبنه دائمی سندیکلر انتخاب اولق اوزره

اوچيور اون سكر سنه سى اغستوسنك يكرى سكرنجى
چهارشنبه كوني ساعت يدي راده لرنده اصحاب مطلوبك
محكمة مذكوره نك افلاسه مخصوص اولان اوطنه سنه
كللى لزومى اعلان اولتور .

محكمة تجارت اجراء دهر سنه :

انكلتره دولتى تبعه سندن مادام قاتزوقك ميشل
حچار افندى ذمتنده اولان مطلوب محكومنك تايمين
تسويه سى ضمانتده مديون مومى اليك متصرف اولوب
ظاهراً صورت قطعده اوله رق عزتلو مصطفى ثريا
بك نامنه مفروغ و حقيقتده مرهون بولسان بك
اوغلنده حسين اغا محله سنده بك اوغلى جاده كيرنده
واقع يوز اللى سكر نومرو ايله مرقم آلتنده وجاده
اوزرنده مكرر وبوز اللى سكر نومرولو وسنوى ايكيوز
التمش ايكي ايرا ايجارلى برباب بيراخانه ايله مكرريوز
اللى سكر نومرولو سنوى ايكيوز يكرى ليرا ايجار
كتورير دخانى و تحفجى دكانى و دروننده اللى نومرولو
وسنوى اوتوز ايكي ليرا ايجارلو برباب پروكار و يدي
نومرولى و قرق بش ليرا ايجار سنويلى صوجى و سكر
نومرولى و سنوى يكرى اللى ليرا ايجارلو شرابجى
دكانلريله طقوز نومرولو وسنوى سكسان ليرا ايجاره
متحمل تهى برباب دكانى و سنوى طقسان ليرا ايجارلو
اون نومرولو برباب لوقظه ايله مكرر اون نومروايه
اون ايكي واون درت واون اللى نومروليله مرقم
و مجموعى سنوى اللى بش ليرا ايجار كتورير درت باب
دكانى واون سكر نومرولو سنوى يكرى يدي ليرا
ايجارلو مرانغوز دكانى واون طقوز نومرولى و سنوى
اوتوز ليرا ايجارلو مطبعه يي و سيق محلى خارج اولدينى
حاله يكرى نومرولو وسنوى قرق سكر ليرا ايجارلو
كيشه محلى واون ايكي ليرا ايجارلو قپواغرى و بونك
اوستنده سنوى اوتوز ليرا ايجار كتورير ابارتماني حاوى
و فوقنده بر نومرولى و سنوى يوزاون ليرا ايجاره
متحمل تهى و ايكي نومرولى و سنوى يوز بش ليرا
ايجارلو و اوچ نومرولى و سنوى يوز ليرا ايجارلو
ودرت نومرولى سنوى سكسان اللى ليرا ايجارلو و بش
نومرولى سنوى اللى بش ليرا ايجارلو و اللى نومرولى
سنوى التمش بش ليرا ايجارلو و يدي نومرولى سنوى
قرق سكر ليرا ايجارلو و سكر نومرولى سنوى اوتوز
اللى و طقوز نومرولى سنوى اوتوز ليرا ايجارلو طقوز
باب ابارتماني محتوى و سنوى بيك درتيوز كسور ليرا

ايجاره متحمل و مجموع سطحى على التخمين ايكييك
بش يوز ذراع اوزرينه مبنى و حلب چارشوسى ناميله
معروف كار كير عقارك فضله بدل رهندن دايته مومى -
اليهانك مطلوبى تسويه اينديرك اوزره بيع و فروختى
قرار آلتنه الهرق تاريخ اعلاندن اعتباراً اون بش
كون صكره موقع مزايديه وضع اولنه جغندن اشتراسته
طالب اوللرك و بوندن زياده معلومات المقياسينلرك
محكمة تجارت اجرا دائره سنه مراجعت ايتلىرى اعلان
اولتور .
فى ۱۷ اغستوس سنه ۳۱۸

اوستريا و مجارستان دولتى تبعه سندن موسيو
فرديناند بوخ و شركاسنك متوفى سباعى زاده سايمان
بك و اولادلى ذمتلرند برنجى محكمة تجارت اعلاميله
الاجنى اولان اچيك تسويه سيچون لاله ليدى قزل
طاش محله سنده طلعت افندى زقاغنده آلتنده شهرى يوز
غروش ايجاره متحمل برباب دكانى حاوى درت نومرو
ايله مرقم بيك يوز اللى اوچ ذراع ملك محل اوزرينه مبنى
حرم و سلامق يكرى اوطهلى وارقه طرفنده وقف
اوله رق تخميناً سكر يوز اللى ذراع باغچه و مشتملات
سائرته شامل برباب اخشاب قوناغك متوفى
مومى اليك تركه سنه تعلق ايدن و بعد الوفاة تايمين
دين ايدن مارالبيان ملك محل و ملك محل اوزرينه
مبنى قوناق ايله اولاد مومى اليه من نجيب بكك قوم
قيوده محسنه خاتون محله سنده اوردكلى بقال زقاغنده
اون نومرولى شهرى اوچ ليرا ايجاره متحمل كار كير
برباب قهوه خانه تمامنده و چارشوسى كيرده مرجان
اغا محله سنده اوريچيلر جاده سنده اون سكر نومرولو
شهرى ايكي بچق ليرا كيرايه متحمل برباب دكان
دروننده مستقر قراز كدكك تماميله مذكور اون
سكر نومرولو دكان ملكنك اوچ ربع حصه سنك
بش حصه اعتباريله اوچ حصه سنده وجاده مذكوره
يكرى نومرولو برباب دكان ملكيله دروننده مستقر
ايكي عدد كدكك بر عدد اوريچى و ديكرى قراز
كدكك رنده و قوسقه ده معمار كال الدين محله سنده لالهلى
جاده سنده التمش نومرولو فوقنده براوطه يي مشتمل
شهرى ايكيوز غروش كيرالو بر عدد كار كير شكرجى
دكانيله دكان مذكورك اتصالنده واقع التمش ايكي
نومرولو فوقنده براوطه يي مشتمل شهرى ايكيوز
غروش كيرالو بقل دكانى و التمش درت نومرولو كدكك
فوقنده برباب اوطه يي مشتمل شهرى ايكيوز غروش

كيرالو برباب اجزاجى دكانك نصف حصه شايه
لرنده و سكران باشى يعقوب اغا محله سنده حسن پاشا
قره غولى جاده سنده يوز اوچ نومرولو شهرى يوز
غروش كيرالو برباب برباب دكانى ايله اتصالنده كائن
يوز بش نومرولو شهرى يوز قرق غروش كيرالو
برباب قابليجى و يوز يدي نومرولو كدكك شهرى يوز
قرق غروش كيرالو برباب كاغدجى دكانلر برك نصف
حصه لرنده اللى حصه اعتباريله متصرف اولدينى بر
حصص شايه لرى بوندن اقدم موقع مزايديه
قونيله رق عثمانلى ليراسى يوز غروش حسابيله مع اينه
ملك محل يكرى ايكييك غروشده و قهوه خانه حصه سى
بش بيك درت يوز غروشده واون سكر نومرولو
مع كدك دكان ملكى حصه سى سكر بيك يوز غروشده
ويكرى نومرولو مع كدك دكان ملكى حصه سى اللى
بيك يوز غروشده و يوز اوچ نومرولو دكان
حصه سى درتيك يوز غروشده و يوز بش نومرولو
دكان حصه سى اوچيك يوز غروشده و يوز يدي
نومرولو دكان حصه سى ايكييك اللى يوز غروشده
و التمش نومرولو شكرجى دكانى حصه سى اوچيك
يوز غروشده و التمش ايكي نومرولو بقال دكانى
حصه سى اوچيك اوچيوز غروشده و التمش درت نومرولو
اجزاجى دكانى حصه سى ايكييك طقوز يوز غروشده
طالبى عهده سنده قالمش و تاريخ اعلاندن اعتباراً اوتوز
بركونه يعنى كله جك ايلول رومينك اون يدنجى صالحى
كونى ساعت اونه قدر يوزده بش ضم قبول اولنسى
وز كر اولنان يوم و ساعتده صوك مزايده لرى بالاجرا
قرار قطعيسى و يريله رك طالبلرك عهده لرينه كچورلمسى
مقرر بولمش اولديغندن و اندن صكره هر نه ضم و قوعبولور
ايسه قبول اولنمه جغندن املاك مذكوره طالب
اوللرك و بوندن زياده معلومات المقياسينلرك بدلات
مزايده نك عشرينه مساوى يي اچقه سييله برابر مدت
مرقومه طرفنده محكمة تجارت اجرا دائره سنه
مراجعت ايتلىرى ويوم و وقت مذكوره قوسقه ده
مذكور قوناق پيشگاهنده حاضر بولنه جق مزايده
مأمورى مواجهه سنده اثبات وجود ايتلىرى محكمة
تجارت اجرا دائره سندن اعلان اولتور .

فى ۱۷ اغستوس سنه ۳۱۸